



**R.P. Leonardi Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Art. 5. Vtrum Vnius hominis poßint esse plures vltimi fines.

[urn:nbn:de:hbz:466:1-72898](#)

Ratione alterius dependentiae sunt oī finem, quatenus concursus generalis qui cuique rei datur ob certum finem, ita cum natura operatione coalescit, ut fiat una operatio. Hinc sapienter dictum est à Philosophis, Opus naturæ esse opus Intelligentiae. Vide cetera apud D. Thomam & Caetanum.

ARTICVLVS III.

Vtrum actus humani accipiāt
speciem à fine?

Conclusio est affirmans. Intellige de fine in trinseco, qui est ipsum obiectum actus; sed de hoc infra q. 18. & 19.

ARTICVLVS IV.

Vtrum sit aliquis finis ultimus
humanae vitæ?

Conclusio est affirmans. Ratio est, quia non potest in finibus per se ordinatis esse processus in infinitum: idque probat D. Thomas rationibus allatis ex Aristotele 2. Metaphys. & 1. Ethicor.

*Ultimus finis dupli-
citer acci-
pitur.*

Notandum Primo, Finem ultimum posse accipi duplicitate. Primo in genere; sic nihil est aliud, quam plenitudo omnis boni, seu, esse optimè. Secundo, in particulari; sic nihil est aliud, quam illa res vel rerum collectio, in qua inuenitur boni plenitudo; ut Deus, secundum veritatem; secundum autem falsas opiniones, diuitias, voluptates, honores &c. D. Thomas loquitur de fine ultimo vtrouis modo accepto.

Notandum Secundo, Rationes D. Thomæ tantum probare in omni intentione esse aliquid ultimum quod intenditur, in quo sicut intentione; & in omni serie mediorum eligendorum ob aliquem finem intentum, esse aliquid ultimum in quo sicut intentione, & à quo inchoanda sit executio.

Patet exemplis, Finis enim ultimus quem agricultura, ut est agricultura, intendit, est copiosa messis; ut hanc assequatur, disponit mediorum seriem; ob hanc enim primo vult serere; ut serat, vult arare; ut aret, comparat equos & instrumenta; ubi videmus intentionem eius sistere in messe, electionem in paradisi instrumentis. Possimus tamen ex hac ratione colligere esse aliquem ultimum finem humanae vitæ apud omnes homines; si subsumamus, omnes homines intendere esse beatos, saltem in genere; idque non propter aliud, sed quia hoc per se bonum est; & ut hoc assequantur, omnes actiones suas eō referre, saltem implicitè seu interpretatione. Itaque esse beatum, seu, esse quam optimè, est ultimus finis humanae vitæ; quia propter se expetitur, & omnes vitæ actiones propter illum.

Dices, Hinc non sequi esse aliquem ultimum finem totius humanae vitæ ex natura & conditio rei: sed solum ex hominum destinatione.

Respondeo Negando quod assumitur; Quia necessitatis est ut ille sit ultimus finis humanae vitæ,

quem omnes homines rationis naturalis ducti sibi proponunt, & in quo nemo potest falli: atque talis est beatitudo in genere.

ARTICVLVS V.

Vtrum unius hominis possint esse
plures ultimi fines?

Conclusio. Neque ex natura rei, neque ex hominum intentione, possunt unius hominis esse plures ultimi fines simul. Vtrumque intendit D. Thomas, & tam de fine ultimo in particulari, quam in genere.

Prior pars probatur clare, Quia ultimus finis in genere ex natura rei consistit in summa perfectione omnium potentiarum animæ; atque summa perfectio cuiusque potentiae est unica, seu unius speciei: ergo & aggregatum ex illis summis perfectionibus est unicum: hoc autem est ultimus finis.

Altera pars probatur clare à D. Thoma, & sat is per se patet ex terminis; nam de ratione ultimi finis est, ut sit bonum necessarium, & sufficiens ut sis quam optimè: atqui nullo modo fieri potest ut intenças duo bona tamquam tibi necessaria, & tamen vtrumque seorsum putes tibi sufficiere.

Dices, Qui peccat mortiferè constituit ultimum finem in creatura: atqui homo potest peccare mortiferè etiam simul peccatis diuersi generis; verbi gratia, fornicatione, & sic constituet finem ultimum in voluptate; & ambitione, sic que constituit in honore.

Respondent Caetanus & Medina non constituire finem ultimum in bono creato, quod est obiectum peccati; sed in seipso: ipse autem in omni peccato est unus idemque. Sed haec Responsio non satisfacit; loquimur enim hī de fine qui appetitur, non enim peccator autem non est finis qui appetitur, sed cuius. Oportet ergo ut bonum distinctum ab homine sit finis ultimus qui appetitur. Itaque poterit unus homo habere plures fines ultimos quos appetat.

Respondere igitur, Peccatorem non constitue- *Quomodo*
re propriè finem ultimum in obiecto peccati; *peccator*
quia non consit illud continere omne bonum *constitutus*
necessarium ut sit quam optimè: sed solum se- *finem ultimi*
cundum quandam estimationem moralem; qua- *bono crea-*
tenus dum amore illius rei deserit verum sum- *toto*,
mum bonum, censetur illud pluris aestimare, ac
proinde facere sibi summum bonum. Dici etiam
potest peccatorem non constitutere in bono creato
vno vel duobus totum finem ultimum, sed par-
tem tantum: Conclusio autem agit de fine
toto.

Dices Secundo, Eiusdem effectus possunt esse
duæ causæ efficientes integræ, scilicet per diuinam
potentiam: ergo similiter eiusdem hominis
poterunt esse plures fines ultimi. Patet Conse-
quentia, quia vtrumque est causa extrinseca, ac
proinde videtur per vtriusque ratio.

Respondeo Negando Consequentiam, Quia
finis ultimus comparari debet non cum quavis
causa efficiente, sed cum causa prima efficiente;
vnde sicut unius rei non possunt esse plures causæ
prime.

Quæst. I. De ultimo fine hominis. Art. 6.

prime efficientes, ita nec plures fines ultimi. Addit, esse malum & contra rectam rationem, constituere sibi plures fines: vnde Deus non potest ad hoc cooperari supernaturali modo, sicut potest cooperari ad hoc, ut duas cause efficientes proferant eundem effectum.

ARTICVLVS VI.

*Vtrum homo omnia quæ vult,
velit propter finem
ultimo?*

Conclusio est affirmans. Loquitur autem D. Thomas de fine ultimo in genere, qui est, esse beatum; seu, esse quam optimè. Notandum, tribus modis aliquid appeti propter finem. Primo, ex vi praesentis intentionis. Secundo, ex vi intentionis quæ precessit. Tertio, intentione interpretativa, id est, quæ ex ipsa natura operis, siue ex naturali perfectione voluntatis censetur esse. Nunc

DVBIVM EST,

*Quoniam modo ex his tribus appetantur
omnia propter finem ultimo
in genere?*

D. Thomas hic ad 3. insinuat secundum modum, scilicet ex virtute praecedentis intentionis. Et ita multi Thomista tenent. Idem videtur sentire Durandus in 4. d. 49. quæst. 4. num. 8.

Sed contra, Primo, Multa appetimus cum primum venimus ad usum rationis; ut cibum, potum, vestem, lusum &c. & tamen numquam ante cogitaueramus de ultimo fine, aut haec esse appetenda propter illum: non ergo omnis appetitio prouenit ex vi intentionis ultimi finis quæ precesserit.

Secundo, Ut aliquid dicatur appeti ex vi praecedentis intentionis; non sufficit ut intentio talis finis, vel ordinatio actionum nostrarum ad talem finem precesserit; sed neccesse est ut post se reliquat aliquem effectum: Vt effectuum continuatam seriem, ex quorum ultimo talis appetitio sequatur vel actio. Et ratio est, quia intentio debet habere aliquam vim & influxum in ultimum opus quod ex vi illius fieri dicitur, saltem mediata; alioquin nulla est causa cur opus ex illius virtute dicatur profici. Patet exemplo. Cum quis intendit celebrare, ex vi huius intentionis sequitur alia voluntas, scilicet adiungi templum: ex hac, sequitur itio usque ad locum; ex loci & vestimenti presentia, sequitur voluntas se vestiendi & ipsa vestitio; hinc itio ad altare; hinc lectio totaque actio sacra & sacrificatio, animo etiam nihil cogitante de sacrificio, sed omnino distracto. Si haec series interrupatur, opus est noua intentione actuali; ut si quis vadens ad sacram, abducatur à via; vel si quis in sacro committat errorem. Nunc subsumo: atque non cernitur talis coherentia & connexio omnium nostrarum appetitionum cum appetitione ultimi finis: ergo non sequun-

tur ex virtuali intentione finis. Vide Scotum in 4. d. 49. q. 10. §. Ex his sequitur. Vbi sententiam illam refutat.

Respondeo igitur, Non hoc sensu dici omnia appeti propter ultimo finem, sed iuxta tertium modum; nempc, quia omnis appetitio boni partitum, censetur sequi ex appetitione boni integræ, idque ob duas causas. Prior est, quia omne bonum partiale natura ordinatur ad completionem boni integræ ipsius suppositi; sicuti omnis pars natura ordinatur ad totum. Secunda, quia voluntatis inclinatio per se primæ tendit in bonum adæquatum suppositi: in bonum autem singularium potentiarum tendit quasi secundario, quatenus hoc bonum est necessarium ad bonum integrum suppositi. Itaque omnis inclinatio & affectio voluntatis in bona particularia, secundum estimationem moralem censetur sequi ex affectu boni integræ, quod est ultimus finis in genere; scilicet, esse optimè. Fortasse D. Thomas nihil aliud voluit.

Ex his soluitur argumentum eorum, qui existimabant omnia opera Infidelium esse peccata; eò quod Infideles aliquando se & omnia sua retulerint ad honorem Idoli, tamquam ad ultimum finem. Nam esto aliquando sic retulerint, non tamen dum illa faciunt, faciunt ex vi illius praecedentis intentionis: nam ex illa intentione non sequitur aliqua continua ^{et à Pio V.} & Gregorio X III. rie, vel aliquis effectus, vnde proximè omne ^{opus illorum prodeat.} Sed neque interpretatur ^{mè anno 1641. ab Vrbo} omnia faciunt propter honorem Idoli; quia faciunt multa opera indifferentia, quæ natura ^{bano VIII.} sua non tendunt ad honorem Idoli: faciunt ^{speciali} etiam multa opera moraliter bona, quæ natura ^{confusa} sua non ad honorem Idoli, sed veri Dei tendunt. Omne enim opus virtutis natura cedit in honorem veri Dei, ac proinde interpretatione censetur propter Deum fieri.

Dices, Causa secunda officiens non potest mouere seu efficere nisi cooperante causâ primâ efficiente: ergo similiter finis particularis non potest mouere voluntatem, nisi simul cooperante fine ultimo.

Respondeo Primo, Si hoc argumentum valeret, conuinceret omnia appeti ab homine ex actuali intentione finis ultimi; quod tamen illi non concedunt.

Respondeo Secundo, Finem ultimo in omni motu voluntatis cooperari fini particulari: non quod moueat immediatè voluntatem hominis, aut quod homo velit propter illum; sed quia causa prima cooperatur homini in omni voluntate, idque propter ultimo finem. Dum enim homo aliquid vult ob aliquem finem particularcm, Deus cooperatur eius voluntati ob finem uniuersalem seu ultimum. Et ita fit ut finis ultimo concurrat non tantum ad omnem motum voluntatis, sed etiam ad omnem operationem creature.

A iiij DVBIVM